

王秀未之知也時長史周宣明入朝赴考隋文帝謂之曰炫法師安和耶宣明驚惶莫知所對文帝曰一國名僧卿遂不識何成檢校宣明稽首陳謝死罪及還先往寺參禮寺舊在東逼於苑囿又是鄱陽王葬母之所王既至孝故名孝愛寺宣明移就今處供養無闕

承一

廿二末

至大鄰改爲福勝寺法師宣揚覺倦入隱三

學山觸目多感遂遊山詩曰

秀嶺接重煙 嵩岑上半天 絶巖低更舉
危峯斷復連 側石傾斜澗 迴流瀉曲泉
野紅知草凍 春來鳥自傳 樹錦無機織
猿鳴諱假弦 葉密風難度 枝疎影易穿

抱膝依閑沼 策杖戲荒田 遊心清漢表
置想白雲邊 榮名非我顧 息意且蕭然
年一百二歲不病而卒

續高僧傳卷第二十四

承一

謂烏反智玄下音炫食寢錦反大七音藏升音陟岵

戶音謂敝下昌音譜下反續玄反對懲艾上音瀆玄反對堡
保音詭詐上音撻食審俎鹽阻海陳語反檢傷臺二音反
老聃上老子名翁然上詐被捨
齋音越懲音呈宕徒浪反
跖音留酣胡甘反
猶音占縣反
渦音又音繙

續高僧傳卷第二十五

承二

唐釋道宣撰

護法下

正傳十

附見五

唐并州大興國寺釋曇選傳

唐隰州沙門釋法通傳二

唐終南山智炬寺釋明瞻傳三

唐京師勝光寺釋慧乘傳四

道璋

唐京師大總持寺釋智實傳五

普應

唐終南山至相寺釋弘智傳六

唐終南山龍田寺釋法琳傳七

惠序

唐眉州聖種寺釋道會傳八

唐鄧州興國寺釋智勤傳九

唐新羅國大僧統釋慈藏傳十圓勝

釋曇選姓崔高陽人神慧謫詭不偶時俗雖博通經術而以涅槃著名不存文句護法爲慮本晚住弁部興國寺川邑奉之以爲師傳每有衆集居于座元酬問往還以擊節爲要吐言開令宏放終古僧侶乃多莫敢摧挫時人目爲豹選者也及揚諒逆節中外相叛招募軍兵繕造牟甲以興國寺爲甲坊以武德寺爲食坊後於武南置陣陣揚素敗之官軍入郭搜求逆黨摠集諸僧責供反者僧等辯曰王力嚴切不敢遮約素曰有幾僧諫王被殺而云王力嚴切此並同反不勞分疎可依軍

功也及大業末歲兵饑交接四方僧遊寄食無地興國雖富儉嗇者多每食時禁門自守客僧擁結終不之前選不勝滅法憤激身心每曰拄杖在門驅赴防者攜引羈僧供給鉢器送至食堂衆多是其子弟不敢違逆由是衆開僧制許選停客自餘不得然其慈濟之深感激府俞房內廓然財什不積唯置大鎗一口每日引諸乞兒所得食調摠鎗中選請食分亦和其內雜爲餽粥便行坐乞人手自斟酌見其鑑縷皴錯形容瘦瘠流淚盈臉不能自勝選亦依行受粥而食日別如此遂及有年皇運伊始人情安泰義興新寺法綱大

承二

一

張沙門智滿當塗衆主一川鄉望王臣傾重遲特由僧無有德可以動俗致有亂階結聚創開諸宇嚴位道場三百餘僧受其制約夏不能誨以忠信此誠如公所教今被理責陷身無地素乃舒顏曰僧等且還留向對僧擬論機務自余晝參軍將開散僧誅晚還寺宿不久煬帝下勅通被放免故合衆獲安誠其乎滿曰依方等經行方等懺選曰經在何處

將來對讀遂將一卷來選曰經有四卷何不
一時讀之沙門道綽曰經文次第識不俱聞
選曰吾識可共余識同耶但四卷齊讀文言
未了便曰依呪滅罪耳可罷之又曰自佛法
東流矯詐非少前代大乘之賊近時弥勒之
妖誑誤無識其徒不一聞余結衆恐壞吾法
故力疾來問雖余手把瓶子倚傍猶可遂杖
策而返武德八年遘疾淹積問疾者充仞房
宇乃尸卧引衣申脚曰吾命將盡何處生乎
名行僧道綽曰阿闍梨西方樂土名爲安養
可願生彼選曰咄爲身求樂吾非余儕綽曰
若余可無生耶答曰須見我者而爲生平乃
潛息久之不覺已逝時年九十有五道俗哀
慘送于西山之陰傳者親往其寺不及其人
觀其行事遺績庶可深靈形心頰祛鄙俗
緒護法開士抑斯人乎

釋法通龍泉石樓人初在隰鄉未染正法衆
僧行往不達村閭如有造者以灰洒面通雖
承二三

處俗情厭恒俗以開皇末年獨懷異槩超出
意表剃二男二女并妻之髮被以法衣陟道
詣州委僧尼寺時有門者通便答曰我捨枷
鎖志欲通法既達州寺如前付囑便求通化
寺明法師度出家於即遊化稽湖南自龍門
北至勝部嵐石汾隰無不從化多置邑義月
別建齋但有沙門皆延村邑或有住宿明旦
解齋家別一槃以爲通供此儀不絕至今流
行河右諸州聞風服義有僧投造直詣堂中
承接顏色譬若親識故通之率導其德難倫
曾行本邑縣令逢之間是何僧答云山客令
乃禁守不許遊從通即絕粒竭誠達獄行道
其夜聽事野狐鳴叫怪相旣集通夕不安及
明放遣通曰我達獄行道正得道理如何見
放經日不食夜又狐鳴官庶以下莫不震懼
苦勸引挽方從其請余後巡行無時寧舍曾
投人宿大祚其脰尋被霹死風聲逾顯後卒
於龍泉余以貞觀初年承其素迹遂往尋之

息名僧綱住隰州寺親說往行高闡可觀欣其餘論試後披敘夫以高世之量隨務不倫統其大歸莫非通道所以九十六部兼邪正之津途一十七羣現機緣之化迹故能光開佛日弘導塵蒙攝迷之鄙夫接戒濁之澆首並得開智清悟通聖華凡弘道利生於是

乎在今有不達之者同世相輕覩其家業叢雜閑其形骸塵弊遂則雷同輕毀曾不大觀由之自悟備于成教故文云不觀法師種姓形有但受其法開我精靈斯言可歸通有之矣

釋明瞻姓杜氏恒州石邑人也少有異操所住龍貴村二千餘家同共高之傳子口實十四通經十七明史州縣乃舉爲俊士性慕超方不從辟命投飛龍山應覺寺而出家焉師密異其度乃致書與鄴下大集寺道場法師令其依禪專學大論尋值法滅藏形東郡隋初出法追住相州法藏寺而立志貞明不干

水二

四

非類正業之暇了無他涉內通大小外綜丘墳子史書素情所欣狎將事觀國移步上京開皇三年勅召翻譯住大興善衆覩德望可宗舉知寺任舜而不免便綱管之大業二年帝還京室在於南郊盛陳軍旅時有濫僧染朝憲者事以聞上帝大怒召諸僧徒並列御前峙然抗禮下勅責曰條制久頒義須致敬于時黃老子女初聞即拜唯釋一門儼然莫屈時以瞻爲道望衆所推宗乃荅曰陛下必欲遵崇佛教僧等義無設敬若准制返道則法服不合敬俗勅云若以法服不合宋武爲何致拜瞻曰宋氏無道之君不拜交招顯戮陛下有治存正不陷無罪故不敢拜帝不屈其言直遣舍人語僧何爲不拜如此者五黃巾之族連拜不已唯瞻及僧長揖如故兼抗聲對敘曾無憚懾帝乃問向答勅僧是誰錄名奏聞便即視擬戮諸僧合衆安然而退明旦有司募取死者至闕陳謝瞻又先登雖達

申述之詞帝夷然不述但下勅於兩禪定各設盡京僧齋戒遺束帛特隆常准後迴蹕西郊顧京邑語朝宰曰我謂國內無僧今驗一人可矣自爾頻參元選僧行斯屬下勅令住禪定用崇上德故也衆以瞻正色執斷不避強禦又舉爲知事上座整理僧務備列當時

承二

五

大唐御世爰置僧官銓擬明哲允坼無滯貞

觀之初以瞻善識治方有聞朝府召入內殿
躬昇御床食訖對詔廣列自古以來明君民
主制御之術兼陳釋門大極以慈教爲宗帝
大悅因即下勅年三月六普斷屠殺行陣之
所皆置佛寺登即一時七處同建如幽州昭
常昔乃自惟曰攝心歸靜猶自煩平試縱餘
齡更還京邑少時遇疾猶堪療治乃曰吾命
極矣可懸一月枯骸累人乃延諸大德就興
善寺設齋辭訣房杜僕射舉朝畢集具資助
供覲錫山積瞻通大捨餚辭告別即日力杖
出京返于智炬竭誠勤住想觀西方心道明

利告侍者曰阿彌陀佛來也須臾又云二大
菩薩亦至吾於觀經成就十二餘者不了既
具諸善相顏貌怡然奄尔而逝春秋七十即
貞觀二年十月二十七日也時以預記之驗
知命存乎初未終前遺令焚身及閣維訖乃
見骸骨圓全都無縫道當其頂上紫色曥然

遂瘞于巖下

釋慧乘俗姓劉氏徐州彭城人也其先炎漢
之緒祖欣梁直前將軍鄉鄉太守父雅陳兵
部郎中叔祖智強少出家陳任廣陵大僧正
善闍成論及大涅槃乘年十二發心入道仍
事強爲師服膺論席備採精理十六啓強曰
離家千里猶名在家沙門也請廣遊都鄙流
諸耳目強從之便下揚都聽莊嚴寺智燭法
師成實爰始具戒即預陳武帝仁王齋席對
御論義詞辯絕倫數千人中獨迴天聳至四
月八日陳主於莊嚴寺摠令義集乘當時豎
佛果出二諦外義有一法師英俠自居擅名

承二

六

江左舊住開泰後入祇洹乃問曰爲佛果出二諦外爲二諦出佛果外乘質云爲法師出開泰爲開泰出法師彼曰如鴛鴦鳥不住園廁乘應聲曰釋提桓因不與鬼住彼曰鳩翅羅鳥不栖枯樹乘折云譬如大海不宿死屍于時燭公處座嘆曰辯才無礙其鋒難當者

也躬於帝前賞天柱納袈裟由是令響通震隣國斯傳陳桂陽王尚書毛喜僕射江揔等並伸久敬咸慕德音屬陳季道離隋風遠扇太尉晉王於江都建慧日道場遍詢碩德乘奉旨延住仍号家僧後從王入朝頻蒙內見時淨影慧遠道聲揚播由來不面因過值講即伸言論義高詞麗聲駭德徒遠顧曰何處吳僧脣舌陵人復豈愈此王聞之弥敬其詞辯時慧日創立搜揚一化並号龍象咸開義門旣爰初盛集法輪肇駕王乃請乘盡心言論不有見尊致結旣承資蓄縱辯無前折闡陳歎皆傾巢穴甚稱王望別賞帛百段暨高

祖東巡岱宗鑾駕伊洛勅遣江南吳僧興開東大德昇殿暨義乘應旨首登命章對論巧問勃興切並紛集縱橫駱驛罔弗喪律亡圖高祖目屬稱揚羣英嘆異開皇十七年於楊州永福寺建香臺一所莊飾金玉絕世罕儔及晉王即位彌相崇重隨駕行幸無處不經

承二

七

大業六年有勅郡別揀三大德入東都於四方館仁王行道別勅乘爲大講主三日三夜興諸論道皆爲折暢靡不冷然從駕張掖蕃王畢至奉勅爲高昌王麴氏講金光明吐言清奇聞者嘆咽麴布髮於地屈乘踐焉至八年帝在東都於西京奉爲二皇雙建兩塔七層木浮圖又勅乘送舍利瘞于塔所時四方道俗百辟諸侯各出名珍於興善寺北天門道南樹列勝場三十餘所高幢華蓋接影浮空寶樹香煙望同雲霧迎延靈骨至于禪定僧行共請乘開仁王經化洽士庶正道自登咸嘉賞讚十二年於東都圖寫龜茲國檀像舉

高丈六即是後秦羅什所負來者屢感禎瑞故用傳持今在洛州淨土寺會隋室分崩唐皇御曆武德四年掃定東夏有勑僞亂地僧是非難識州別一寺留三十僧餘者從俗上以洛陽大集名望者多奏請二百許僧住同華寺乘等五人勅住京室于時乘從僞鄭謂

被牽連主上素承風問偏所顧屬特蒙慰撫命住勝光秦國功德咸歸此寺武德八年歲居協洽駕幸國學將行釋奠堂置三座擬敘三宗衆復樂推乘爲導首時五都才學三教通人星布義筵雲羅綺席天子下詔曰老教孔敎此土先宗釋敎後興宜崇客禮令老先次孔未後釋宗當爾之時相顧無色乘雖登座情慮莫安今上時爲秦王躬臨位席直視乘面目未曾迴頻降中使十數教云但述佛宗先敷帝德餘一無所慮旣最未陳唱諦徹前通乃命宗云上天下地榮貴所資緣業有由必宗佛聖今將敘大致理具禮儀並合掌

虔跪使師資有據聲告纔竟皇儲已下爰逮群僚各下席胡跪竚聆逸辯乘前宣帝德云陛下巍巍堂堂若星中之月云云次述釋宗後以二難雙徵兩教玄梯廣布義網高張莫不躡響風馳應機雲涌旣而天子迴光敬美其道群公拜手請從弘業黃巾李仲卿結舌

承二

八

無報博士祭酒等束體轍門慧日更明法雲還布當又下詔問乘曰道士潘誕奏悉達太子不能得佛六年求道方得成佛是則道能生佛佛由道成道是佛之父師佛乃道之子弟故佛經云求於無上正真之道又云體解大道發無上意外國語云阿釋菩提晉音翻之無上大道若以此驗道大佛小於事可知乘報略云震旦之與天竺猶環海之比隣州聃乃周末始與佛是周初前出計其相去二十許王論其所經三百餘載豈有昭王世佛而退求敬王時道平勾虛驗實足可知也仲卿向敘道者有太上大道先天地生鬱勃洞

虛之中煥燁玉清之上是佛之師不言周時
之老聃也且五帝之前未聞有道三王之季
始有聃名漢景已來方興道學窮今討古道
者爲誰案七籍九流經國之興宗師周易五
運相生既闡兩儀陰陽是判故曰一陰一陽
之謂道陰陽不測謂之神天地於事可明陰

陽在生有驗此理數然也不云有道先天地
生道旣莫測從何能生佛故車胤云在己爲
德及物爲道殷仲文云德者得也道者由也
言得孝在心由之而成也論衡云立身之謂
德成名之謂道道德也者爲若此矣卿所言
道寧異是乎若異斯者不足歸信豈有頭戴

承二

九

金冠身被黃褐鬢垂素髮手把玉璋別號天
尊居大羅之上獨名大道治玉京之中山海
之所未詳經史之所不載大羅旣烏有之說
玉京本亡是之談言畢下座舉朝屬目此時
獨據詞宗餘術無爲而退一席揚扇萬代舟
航可尚可師立功立事近假叨幸之力遠庇

護念之恩也貞觀元年乘以銜荷持命義須
崇善奉爲聖上於勝光寺起舍利寶塔像設
莊嚴備諸神變并建方等道場日夜六時行
坐三業以貞觀四年十月二十日終于舊房
春秋七十有六門人道璋先奉遺告於南山
谷口焚之私斂餘灰還於勝光起塔沙門法
琳爲製碑文見于別集唯乘釋蒙據道護法
爲心撫物卹窮弥留情曲而詞辯無滯文義
俱揚寫送若流有逾宿誦此之一術歿後絕
蹤而身歷三朝政移六帝頻昇中殿面對天
顏神氣蕭散映徹牆仞自見英德莫不推焉
又卿士王公妃嬪庶族皆熏塗香申明供禮

所講涅槃般若金鼓維摩地持成實等各數
十遍璋即乘之猶子也少所恭奉立性誠懃
偏能唄讚清轉婉約有勢於時每爲都講亦
隸倫則京邑後附多響其塵云

釋智實俗姓邵氏雍州萬年人也童稚兒聚
謠詭超異預有談論必以佛理爲言先十一

出家住大總持寺聽叙玄與登共器之隨以小緣而能通暢宏遠自涅槃攝論俱舍毗曇皆鏡其深義開其闡鑰兼以思力堅明才氣雄毅政德之歲初平鄭國三大法師惠乘道宗辯相等西赴京師主上時爲秦王威明窩內志奉釋門乃請前三德并京邑能論之士

二十餘僧在弘義宮通宵法集實年十三最居下座上命令對論發言清卓驚絕前聞新至諸僧無敢繼響上及諸王異聲同嘆曰此小師最俊烈後必紹隆三寶矣實眉間白毫可長數寸光映頰顙沙門吉藏摩其頂持其毫曰子有異相當蹟跡能仁恨吾老矣不見

承二

十

成德武德七年檢犹孔熾屢舉烽燿前届北地官軍抗拒有僧法雅夙昔見知武皇通重給其妻媵任其恣盜僧衆惆然無敢陳者奏請京寺驍悍千僧用充軍伍有勑可之雅即通聚簡練別立團隊既迫王威寂無抗抵實時年二十有一深究雅懷恐興異度事或彰

陳必累大法乃致書於雅曰與子同生像季見嗟于可悲實傷其類且自多羅既斷終不更生折石已分義無還合急持衣鉢早出伽藍使清濁異流蘭艾殊列則使群目息於譏論梵志寂於謗聲定水暗而更通慧燈晦而還照此言至矣想見如流雅得書逾怒科督轉切備辦軍器剋日將發寶騰入其衆大哭述斯乖逆壞大法輪即是魔事預是千僧同時號叫聽者寒心下淚實遂擒撮法雅毆擊數拳告云我今降魔使邪正有據雅以事聞帝云此道人大鹿付法推劾即被枷禁初無怖色將欲加罪僕射蕭瑀等奏稱精進有聞勑乃罷令還俗所選千人並停復寺實雖處

承二

十一

俗壞而兵役得停欣泰其懷曾無憾結貞觀元年勅遣治書侍御史杜正倫檢校佛法清肅非溫實恐法雅猶乘先計濫及清徒乃致書於杜使曰沉俗僧智實白實懷橘之歲涉清信之名採李之年染息慈之位雖淺智褊能然敢希先達竊見化度寺僧法雅善因曩世受果今生如安上之遊秦似遠公之入晉理應守護鵝之行持結草之心思報皇王之恩奉酬覆載之德乃於支提靜院恒爲宰殺之坊精舍林中鎮作妻擎之室脫千僧之服四海愴動地之悲謗七佛之經萬國嗟訴天之怨自漢明感夢摩騰入洛已來無所名人頗曾聞也皇帝受禪撫育萬方欲使王道惟清法海無穢公策名奉節許道士身除甘蕉之災拔空腹之樹使禪林鬱映慧苑扶疎慕實嘉聲震于邦國寧可忍斯邪安仍捧鉢於祇桓棄我貞廉絕經行於靈塔龍門深濬奉見無由天意高懸流問何日惟公鑒同水鏡

智察幽微仰願拯驚翼於華箱濟涸鱗於窮轍輕以于陳但增悚懼後法雅竟以狂狷被誅倫以事聞乃下勅云智實往經論告法雅預知鹿勃自還俗已來又不虧戒行宜依舊出家因返寺房綜括前業據討幽致有譽京室十一年駕往洛州下詔云老君垂範義在清虛釋迦貽則理存因果求其教也汲引之迹殊途求其宗也弘益之風齊致然大道之行肇於遂古源出無名之始事高有形之外邁兩儀而運行包萬物而亭育故能經邦致治反樸還淳至如佛教之興基於西域逮於後漢方被中土神變之理多方報應之緣匪一泊乎近世崇信滋深入冀當年之福家懼來生之禍由是滯俗者聞玄宗而大笑奸異者望真諦而爭歸始波涌於閭里終風靡於朝廷遂使殊俗之典蠻為衆妙之先諸華之教翻居一乘之後流遁忘返于茲累代今鼎祚克昌既憑上德之慶天下大定亦賴無爲

之功宜有解張闡茲玄化自今已後齋供行立至於稱謂道士女道士可在僧尼之前庶敦反本之俗暢於九有貽諸萬葉時京邑僧徒各陳極諫語在別紀實惟像運湮沉開明是屬乃攜大德法常等十人隨駕至關上表曰法常等言年迫桑榆始逢太平之世貌同蒲柳方值聖明之君竊聞父有諍子君有諍臣法常等雖預出家仍在臣子之例有犯無隱敢不陳之伏見詔書國家本系出自柱下尊祖之風形于前典頒告天下無得而稱令道士等處僧之上奉以周旋豈敢拒詔尋老君垂範治國治家所佩服章亦無改異不立觀宇不領門徒處柱下以全真隱龍德而養性智者見之謂之智愚者見之謂其愚非魯司寇莫之能識今之道士不遵其法所著衣服並是黃巾之餘本非老君之裔行三張之穢術棄五千之妙門反同張禹漫行章句從漢魏已來常以鬼道化於浮俗妄託老君之

後實是左道之苗若位在僧尼之上者誠恐真僞同流有損國化如不陳奏何以表臣子之忠情謹錄道經及漢魏諸史佛先道後之事如前伏願

天慈曲垂聽覽勑遣中書侍郎岑文本宣勅語僧等明詔父行不伏者與杖諸大德等咸

承二
十三

思命難飲氣吞聲實乃勇身先見口云不伏此理万刃之下甘心受罪遂杖之放還抱思旋京晦迹華邑處于渭陽之三原焉信心之侶敬奉如雲情計莫因遂感氣疾知命非久欲與故人相別而生不騎乘乃令弟子四人各執床角昇至本寺精爽不雜召諸知友執手訣云實以虛薄妄廁僧儕一期既至知復何述但恨此身虛死未曾爲法以爲慨然近夢阿私陀仙見及云常得出家想非徒說少時卒於大揔持寺春秋三十有八即真觀十二年正月也實自生能不入市鄴不執錢寶不求利涉三衣瓶鉢常不離身雖常日往還

而始無輒離志行嚴肅殊有軌度攝誘多方故四遠道俗而放之僧多依附之親侍沙門七人皆供承有叙通共嘉焉摠持故塔修奉者希實每香燈供養以爲己業病轉就篤滴水不通已經旬日侍人非時進漿實曰大聖垂誠其可欺乎吾見臨終犯戒者多矣豈使

累劫之誠而陷於一咽者哉遂閉氣而止又問以終事答云譬如彎弓放矢隨處即落觀于山水未有親疎之心任時量處省事爲要乃葬南郊僧墓中斯亦達性之一方矣終後三原信士方三十餘里皆爲立靈廟夜別四五百人聚臨如喪厥親迄于百日衆方分散初摠持寺有僧普應者亦烈亮之士也通涅槃攝論有涯略之致以傳奕上事群僧蒙然無敢諫者應乃入秘書太史局公集郎監命奕對論無言酬償但云禿丁妖語不勞叙接應曰妖孽之作有國同誅如何賢聖但崇鄉獨侮慢奕不答應退造破邪論兩卷背負蓬

篠勁詣朝堂以陳所述時執事者以聖上開治通諫勸善雖納奕表未將理當不爲呈達應乃多寫論本日往朝省卿相郎署鼓言奕表牽挽奕手與談正理奕素本淺學假詞於人杜口不對斯亦慚博強捍僧傑不可抑也應之所師法行者亦貞素之僧也俱往摠持

永二

十四

衆首之最立操孤拔與物不群每日六時常立參像自問自答入進殿中乃至勞遣應聲如在精慤特立衆難加焉故又目之爲高行也行見塔廟必加治護飾以朱粉搖動物敬京寺諸殿有未盡者皆圖續之銘其相氏即勝光襄義等寺是也武德之始猶未有年諸寺饑餓煙火不續摠斷持名勝普應爲先結會僧倫誓開糧路人料一勺主客咸然時來投者日恒僅百風少欣欣曾不告倦而行微念起厭怠懷即悔告人大開鬼業如何自累惜他食乎每旦出門延頓客旅歡笑先言顧問將接多辦鉢履安處布置乃達時豐初不

休舍後往楚國講遺教論以畢終矣

釋弘智姓萬氏始平槐里鄉人隋大業十一年德盛鄉間權爲道士因入終南山絕粒服氣期神羽化形骸枯悴心用飛動乃入京至靜法寺遇惠法師問以喻道之方惠曰有生之本以食爲命假糧粒以資形託津通以適

道所以古有繫風捕影之論仙虛藥誤之談語事信然幸無惑也乃示以安心之要遭累之方義寧元年委擲黃冠入山修業武德之始天下大同佛道二門峙然雙列智乃詣省申訴請隸釋門并陳理例朝宰咸穆遂得貫入繙伍隨情住寺而性樂幽栖乃於南山至相寺而居焉周歷講會亟經炎燠神用通簡莫不精詣然而性立虛融慈矜在務陶甄士俗延納山賓巖隱匱乏之流飛走飢虛之類咸贍資糲粒錫以貝泉雖公格嚴斷寺制深約而能攜引房宇同之窟穴泰斯亦叔代匡護之開士也滅後遂絕此蹤惜哉故其所獲

承一

十五

法利積散不窮弘誘博愛爲而不恃加之以忍邦行事音聲厥初開務通識非斯莫曉故凡有福會必以簫鼓爲先致令其從如雲真俗不爽於緣悟矣講華嚴攝論等以永徽六年五月九日終於山寺春秋六十有一露骸林下收骨焚散遵餘令也門人散住諸寺者咸謹卓正行不墜遺風重誨誘之劬勞顧復之永沒乃共寫八部般若用崇屹帖之恩又建碑一區陳於至相寺山外二丈四尺寶德寺莊所

釋法琳姓陳氏潁川人遠祖隨官寓居襄陽少出家遊獵儒釋博綜詞義金陵楚郢從道問津自文苑才林靡不尋造而意存綱梗不營浮綺野栖木食於青溪等山晝則承誦佛經夜則吟覽俗典故於內外詞旨經緯遺文精會所歸咸肆其抱而風韻閑雅韜德潛形氣揚彩飛方陳神略隋季承亂入關觀化流離八水顧步三秦每以槐里仙宗互陳名實

昔在荆楚梗槩其文而秘法奇章猶未探括
自非同其形服塵其本情方可體彼宗師靜
茲紛結乃權捨法服長髮多年外統儒門內
希聃術遂以義寧初歲假被巾褐從其居館
琳素通莊老談吐清奇道俗服其精華膜拜
而從遊處情契莫二共叙金蘭故彼所禁文
詞並用詔琳取定致令李宗奉釋之典包舉
具舒張僞葛妾之言銓題品錄武德初運還
莅釋宗擁帙延光栖惶問道以帝壤同歸名
教是則鼓言鄭衛易可箴規乃住京師濟法
寺至武德四年有太史令傅奕先是黃巾深
忌佛法上廢佛法事者十有一條云釋經誕

卷二

十六

妾言妖事隱損國破家未聞益世請胡佛邪
教退還天竺凡は沙門放歸桑梓則家國昌
大李孔之教行焉武皇容其小辯朝輔未能
抗也時謂導其邪徑通廢宏衢莫不懼焉乃
下詔問曰棄父母之鬚髮去君臣之章服利
在何間之中益在何情之外損益二宜請動

妙釋琳憤激傳詞側聽明勑承有斯問即陳
對曰琳聞至道絕言豈九流能辯法身無象
非十翼所詮但四趣茫茫漂淪欲海三界蠢
蠢顛墜邪山諸子迷以自焚凡夫溺而不出
大聖爲之興壯至人所以降靈遂開解脫之
門示以安隱之路於是中天王種辭恩愛而
出家東夏貴遊厭榮華而入道誓出二種生
死志求一妙涅槃弘善以報四恩立德以貧
三有此其利益也毀形以成其志故棄鬚髮
美容變俗以會其道故去君臣華服雖形闕
奉親而內懷其孝禮乖事主而心戢其恩澤
被怨親以成大順福沾幽顯豈拘小違上智
之人依佛語故爲益下凡之類虧聖教故爲
損懲惡則濫者自新進善則通人感化此其
大略也而傅氏所奏在司猶未施行奕乃多
寫表狀遠近公然流布京室閭里咸傳禿丁
之誚劇談酒席昌言胡鬼之謠佛日翳而不
明僧感阻而無勢于時達量道俗動毫成論

卷二

十七

者非一各陳佛理具引梵文委示業緣曲垂邪正但並是奕之所廢豈有引廢證成雖曰破邪終歸邪破琳情主玄機獨覺于載器局天授博悟生知睹作者之無功信乘權之有據乃著破邪論其詞曰莊周云六合之內聖人論而不議六合之外聖人存而不論老子云域中有四大而道居其一考詩書禮樂之致忠烈孝慈之先但欲收序彝倫意存敬事君父至德唯是安上治民要道不出移風易俗自衛返魯詎述解脫之言六府九疇未宣究竟之旨案前漢藝文志所紀衆書一萬三千二百六十九卷莫不功在近益俱未暢遠途誠自局於一生之內非迴拔於三世之表者矣遂使當見因果理涉且而猶昏業報吉凶義經丘而未曉斯並六合之寰塊五常之俗謨詎免四流浩汗爲煩惱之場六趣誼譁造塵勞之業者也原夫實相杳冥逾道之要道法身凝寂出玄之又玄唯我大師體斯妙

覺二邊頓遣萬德斯融不可以境智求不可以形名取故能量法界而興悲揆虛空而立誓所以現生穢土誕聖王宮示金色之身吐玉毫之相布慈雲於鷲嶺則火宅燄銷扇慧風於雞峯則幽途霧卷行則金蓮捧足坐則寶座承軀出則天主導前入則梵王從後聲聞菩薩儀若朝儀八部萬神森然翊衛宣涅槃則地現六動說般若則天雨四花百福莊嚴狀滿月之臨滄海千光照曜如聚日之映寶山師子一吼則外道摧鋒法鼓暫鳴則天魔稽首是故号佛為法王也豈與襄周李耳比德爭衡末世孔丘輒相聯類者矣是以天上天下獨稱調御之尊三千大千咸仰慈悲之澤然而理深趣遠假筌蹄而後悟教門善巧憑師友而方通統其教也則八萬四千之藏二諦十地之文海殿龍宮之旨古諺今書之量莫不流甘露於萬葉垂至道於百王近則安國利民遠則超凡證聖但以時運未融

致令漢梵殊感故西方先音形之奉東國後見聞之益及慈雲卷潤慧日收光迺夢金人於永平之年覩靈骨於赤烏之歲於是漢魏齊梁之政像教勃興燕秦晉宋已來名僧間出或神力救世或異迹發人或慧解開神或通感適化及白足臨刃不傷遺法爲之更始

誌上分身貞戶帝王以之加信具諸史籍其可詳乎並使功被將來傳燈永劫議者僉曰僧唯紹隆佛種佛則冥衛國家福隆皇基必無廢退之理我

大唐之有天下也應四七之辰安九五之位方欲興上皇之風開正覺之道治致太平永

隆淳化但傳氏所述酷毒穢詞並天地之所不容人倫之所同棄恐塵蹠聖覽不可具觀伏惟

陛下布含弘之恩垂鞠育之憲審

其逆順議以真虛佛以正法遠委國王

陛下君臨斯當付囑謹上破邪論一卷用擬傳詞文有三十餘紙自琳之綴彩貫絕群篇

野無遁賢朝無遺士家藏一本咸誦在心並流略之菁華文章之冠冕茂譽於是乎騰廣昏情由之而開尚矣琳又以論卷初出意在弘通自非廣露其情則皂隸不塵其道乃上啓儲后諸王及公卿侯伯等並文理弘被庶績咸熙其博詣焉故奕奏狀因之致寢遂得

卷二

十九

釋門重敞琳實其功東宮庶子虞世南詳琳著論乃爲之序胤而傳氏不愜其情重施密譜攜扇黃巾用爲黨類各造邪論賅量佛聖眉冒生靈銜曜朝野薰蕕旣雜時所疑焉武德元年春下詔京置三寺唯立千僧餘寺給賜王公僧等並放還桑梓嚴勑旣下莫敢致詞五衆哀號於豪街四民顧歎於城市于時道俗蒙然投骸無措賴由震方出帝氣浸廓清素襲啓聞薄究宗領登即大赦還返神居故佛日重朗於唐世又由琳矣琳頻逢黜陟誓結維持道挫世情良資寡學乃探索典籍隱括玄奧撰辨正論一部八卷穎川陳子良

注之并製序曰昔宣尼入夢十翼之理克彰伯陽出關二篇之義爰著或鉤深繫象或探赜布夷名言之所不宣陰陽之所不測猶能弥綸天地包括鬼神道無沿於大千言未超於域內況乎法身圓寂妙出有無至理凝玄迹泯真俗體絕三相累盡七生無心即心非色爲色筌蹄之外豈可言乎若夫西伯拘羑遂顯精微子長贊室卒成先志故易曰古之作易者其有憂乎論之興焉良有以矣有道士李仲卿劉進喜等並作庸文謗毀正法在俗人士或生邪信法師愍其盲瞽遂著斯論可謂鼓茲法海振彼詞鋒碧雞之銳競馳黃馬之峻爭驚莫不葉墮柯摧雲銷霧卷但此論窮釋老之教源極品藻之名理恐好事後生意有未喻弟子近伸頂禮從而問津爛然溢目若日月之入懷寂乎應機譬寶珠之燭物既悟四衢之幻便息百城之遊於是啓所未聞爲之注解良文學雄伯羣儒奉戴誘勸

成則其從如雲貞觀初年帝於南山大和宮舊宅置龍田寺琳性欣幽靜就而住之衆所推美舉知寺任從容山服詠歌林野至十三年冬有黃巾秦世英者挾方術以邀榮遂程器於儲貳素嫉釋種陰陳琳論謗訕皇宗罪當閔上帝勃然下勅沙汰僧尼見有衆侶宜依遺教仍訪琳身據法推勘琳扼腕奮發不待追徵獨詣公庭輕生徇理乃繫以縲絏下詔問曰周之宗盟異姓爲後尊祖重親實由先古何爲追逐其短首鼠兩端廣引形似之言備陳不遜之喻犯毀我祖祢謗讟我先人如此要君罪有不恕琳荅曰文王大聖周公大賢追遠慎終昊天靡蒼孝悌之至通於神明雖有宗周義不爭長何者皇天無親竟由輔德古人黨理而不黨親不自我先不自我後雖親有罪必罰雖怨有功必賞賞罰理當故天下和平老子習訓道宗德教加於百姓怒已謙光仁風形于四海又云吾師名佛佛

承二
三十

者覺一切人也。乾竺古皇西昇逝矣。討尋老
教始末可追日授中經示誨子弟言吾師者
善入泥洹。綿綿常存吾今逝矣。今劉李所述
謗滅老氏之師。世莫能知。著茲辯正論有八
卷略對道士六十餘條。並陳史籍前言實非
謗毀家國。自後辨對二十餘例。並據琳詞具

狀聞奏勅云。所著辨正論信毀交報篇曰。有
念觀音者。臨刀不傷。且赦七日。令余自念試
及刑決能無傷不琳外纏桎梏內迫刑期水
火交懷訴仰無路。乃緣生來所聞經教及三
聖尊名銘誦心府擬爲顯應。至于限滿忽神
思飄勇橫逸。智懷歡慶。相尋頓忘死畏立待

卷二

九一

對問須臾勅至。云今赦期已滿。當至臨刑有
何所念。答曰。有靈不琳。援筆答曰。自隋季擾攘
四海沸騰。疫毒流行。干戈競起。興師相伐。各
擅兵威。臣僕君荒。不爲正治。遏絕王路。固執
一隅。自皇王弔伐載清。陸海斯寧。觀音之力
咸資勢至。之恩比德。連蹤道齊。上聖救橫死

於帝庭免淫刑。於都市琳於七日已來不念
觀音。唯念陛下。勅治書侍御史韋悰問琳有
詔令念觀音。何因不念。乃云。唯念陛下。琳荅
伏承觀音聖鑒塵形六道上天下地皆爲師
範。然大唐光宅。四海九夷奉職八表。刑清君
聖。臣賢不爲枉濫。今陛下子育恒品。如經即

是觀音既其靈鑒相符。所以唯念陛下。且琳
所著正論爰與書史倫司一句參差。任從斧
鉞。陛下若順忠順正。琳則不損一毛。

陛下若刑濫無辜。琳則有伏屍之痛。具以事
聞。遂不加罪。有下勅徙于益部。僧寺行至百

牢關菩提寺。因疾而卒。時年六十九。沙門慧

序經理所苦。情結斷金。曉夕同衾慰撫。承接
及命。將盡在序膝上。序慟哭崩摧。淚如駁雨。
乃召諸關傍道俗。葬於東山之頂。高樹白塔。
勒銘誌之。行路望者知便。下淚。序本雍州武
功人。善經籍。通佛理。明攝論。以爲數化之訓。
體道開俗言。無品藻。將護遊僧。用爲家操。本

住京輦後移梁益以百牢衝會四方所歸道俗栖投往還莫寄序乃宅寺關口用接遠賓故行侶賴之詠歌盈耳于時治書侍御史韋悰審英飾詐乃奏彈曰竊以大道鬱興沖虛之迹斯闡玄風既播無爲之教實隆未有身預黃冠志同凡素者也道士秦英頗學醫方

薄閑呪禁親戚寄命羸疾投身姦姪其妻禽獸不若情違正教心類豺狼逞貪競之懷恣邪穢之行家藏妻子門有姪童乘肥衣輕出入衢路揚眉奮袂無憚憲綱健羣未忘觀繳在慮斯源不殄至教式虧請寘嚴科以懲姪侈乃入太理竟以狂狷被誅公私恠其死晚

卷二

九二

琳所著詩賦啓頌碑表章議六乘教法并諸論記傳合三十餘卷並金石擊其風韻縛錦續其文思流靡雅便騰焰弥穆又善應機說導即事騁詞言會官商義符玄籍斯亦希世罕嗣矣

釋道會姓史鍵爲武陽人初出家住益州嚴

遠寺器宇高簡推調逸羣四方道俗旦夕參候猶以蜀門小陋聞見非廣乃入京詢訪經十餘年經論史籍博究宗領還蜀欲大開釋教導引後銳時屬亂離不果心術會皇運初興率先招撫詹俊李袞首途巴蜀會上疏曰會弟性不肖家風失墜封爵雖除詔勅猶在

門生故吏子孫成列並奮臂切齒思効力用即日劙門雖啓巫峽負固會請躬率徒隸振錫啓途折簡宣威開懷納歟軍無矢石之勞主有待成之逸此亦一時之利也惟公圖之爲使淹留遂不行于時國初僧尼道士所在多度有道士宋冀是彼梁棟於隆山縣下新立道觀屋宇成就置三十人會經揔管段倫陳牒改觀爲寺其郭內住者並是道宗不伏移改囑安撫大使李襲譽巡察州縣會以事達乃引兵過城四面鳴鼓一時驅出舉宗怨訴喧噏街衢會曰未能令天下改觀爲寺此之一所終不可奪遂依立寺至今不毀武皇

卷二

九三

登遐入京朝觀因與琳師同修辨正有安州
高師在蜀弘講人有嫉者表奏云反又述法
會覘候消息遂被拘執身雖在獄言笑如常
爲諸在獄講釋經論經春至冬諸僧十數衣
服纏縷不勝寒酷京師有無盡藏恒施爲事
會致書曰自如來潛影西國于有餘年正法
東流五百許載雖復赤髮青眼大開方便之
門白腳潔身廣示歸依之路猶未出於苦海
尚陸沉於險道況五衆名僧四禪教首頭陀
聚落唯事一餐宴坐林中但披三納加以無
緣之慈想升錘以代鴿履不輕之行思振錫
以避虫今有精勤法子清淨沙門橫被囚拘
實非其罪遂使重關早落覩獄吏而魂飛清
室晚開見刑官而思盡嚴風且灑穿襟與中
露俱飄繁霜夜零寒心與死灰同殞若竟不
免溝壑抑亦仁者所恥書達即送裘鞋給之
及事釋還鄉三輔名僧送出郭門會與諸遠
僧別詩曰去住俱爲客分悲損性情共作無

期別時能訪死生道俗聞者皆墮淚時益州
法曹裴希仁自矜門學會與相見輕有譏诮
會曰蜀川雖小賢德如林漢朝八俊同出唯
張網埋輪東雒難曰狡狼當路安問狐狸奏
誅梁冀威攝四海者捷爲武陽人也漢時有
問楊子雲曰李仲堪何如人荅曰隱不違親
貞不絕俗天子不臣諸侯不友者資中人也
巴西閭中百王之仰戢益州鄡縣名振於華
夷明公庶可虛心待國士豈得以土地拘於
人哉言訖而出希仁愧謝既返謂人曰江漢
多靈其斯人也以貞觀末卒年七十矣
釋智勤俗姓朱隋仁壽因舍利州別置大興
國寺度小小以匡護爲心每處衆發言無不
允睦精誠勇猛事皆冥祐初母患委頓爲念
觀音宅中樹葉之上皆現化佛合家並見母
疾遂除又屬隋末荒亂諸賊競起勤獨守此
寺賊不敢凌故得寺宇經像一無所損諸寺
湮滅不可目見又一時權著俗衣以避兵刃

承二

被賊圍遶而欲殺之忽聞空中聲告師可去俗衣遂除外服賊見頂禮請將供養經於數月後投於蜀聽高法師講衆至三千法師皆委令檢校遂得安帖內外無事一人力也又至唐初還歸鄧州講維摩三論十餘遍後隱於北山倚立十餘年所居三所即今見存恒

蜀遠聞又至永徽年初以見時事繁雜守房不出向淹三載讀一切經兩遍每讀經時恒見有神來聽初中後夜常聞彈指磬歎之聲至顯慶四年省符召入慈恩不就至其年五月欲終之前所有功德不周之處曉夜經構使畢人問何故如此忽速答曰無常之法何

承二

廿五

聞谷中鍾聲後尋巖嶺忽見一寺宛麗奇常入中禮拜似有人住如是數度後更尋覓莫知所在又居山內糧食將盡其行道之處土自發起遂除棄之明日復尔如是再三遂有穀現因即深掘得粟二十餘碩其粟粒大色赤稍異凡穀時鄧州佛法陵遲合州道俗就

山禮請願出住持遂感夢而出其夢不詳子細後時負像出山中途忽闇莫知其路不得前進俄有異火兩炬照路極明因得見道送

至村中火方迴滅村人並見無不驚異因出住大興國前後諸王刺史並就寺頂禮請受歸戒恒以僧尼之事委令檢校佛法光顯吳

可保耶至十五日寺中樹木枝葉萎枯自然分拆禽鳥悲鳴遍於寺內僧各驚問莫知所由至十六旦忽見昔聽經神來禮拜而語云莫禮傍人無有見者於是剃髮披衣在繩牀內手執香爐跏趺而坐告諸弟子汝可取大品經讀誦至往生品訖遂合掌坐而卒停十四矣

釋慈藏姓金氏新羅國人其先三韓之後也中古之時辰韓馬韓秦韓率其部屬各有魁長案梁真職圖其新羅國魏曰斯盧宋曰新

羅本東夷辰韓之國矣藏父名武林官至蘇判異以本王族比唐一品既享高位籌議攸歸而絕無後嗣幽憂每積素仰佛理乃求加護廣請大捨祈心佛法并造千部觀音希生一息後若成長願發道心度諸生類冥祥顯應夢星墜入懷因即有娠以四月八日誕載良晨道俗

銜慶希有瑞也年過小學神睿澄簡獨拔恒心而於世數史籍略皆周覽情意漠漠無心染趣會二親俱喪轉厭世華深體無常終歸空寂乃捐捨妻子第宅田園隨須便給行悲敬業子余隻身投於林壑蘿服草屨用卒餘報迷登哨隙獨靜行禪不避虎兕常思難施時或弊睡心行將微遂居小室周障棘刺露身直坐動便刺肉懸髮在梁用祛昏漠修白骨觀轉向明利而冥行顯被物望所歸位當宰相頻徵不就王大怒勑往山所將加手刃藏曰吾寧持戒一日而死不願一生破戒而生使者具之不敢加刃以事上聞王愧服焉

放令出家任修道業即又深隱外絕來往粒固窮以死爲命便感異鳥各銜諸果就手送與鳥於藏手就而共食時至必尔初無乖候斯行感玄徵罕有聯者而常懷感感懸哀含識作何方便令免生死遂於眠寐見二丈夫曰卿在幽隱欲爲何利藏曰唯爲利益衆

承二

九六

生乃授藏五戒訖曰可將此五戒利益衆生又告藏曰吾從忉利天來故授汝戒因騰空滅於是出山一月之間國中士女咸受五戒又深惟曰生在邊壤佛法未弘自非目驗無由奉事乃啓本王西觀大化以貞觀十二年將領門人僧寶等十有餘人東辭至京蒙勅慰撫勝光別院厚禮殊供人物繁擁財事既積便來外盜賊者將取心顛自驚返來露過便授其戒有患生盲詣藏陳懺後還得眼由斯祥應從受戒者日有千計性樂栖靜啓勅入山於終南雲際寺東懸崿之上架室居焉旦夕人神歸戒又集時染少瘳見受戒神爲

摩所苦尋即除愈往還三夏常在此山將事東蕃辭下雲際見大鬼神其衆無數帶甲持杖云將此金輦迎取恣藏復見大神與之共鬪拒不許迎藏聞臭氣塞谷蓬勃即就繩牀通告設別其一弟子又被鬼打躰死乃斂藏即捨諸衣財行僧德施又聞香氣遍滿身心

神語藏曰今者不死八十餘矣既而入京蒙勅慰問賜綸二百疋用充衣服貞觀十七年本國請還啓勅蒙許引藏入宮賜納一領雜綵五百段東宮賜二百段仍於弘福寺爲國設大齊大德法集并慶八人又勅太常九部供養藏以本朝經像凋落未全遂得藏經一

承二九七

部并諸妙像幡花蓋具堪爲福利者賈還本國旣達鄉壤傾國來迎一代佛法於斯興顯王以藏景仰大國弘持正教非夫綱理無以肅清乃勅藏爲大國統住王芬寺寺即王之所造又別築精院別度十人恒充給侍又請入宮一夏講大乘論晚又於皇龍寺講菩薩

戒本七日七夜天降甘露雲霧竈靄覆所講堂四部興嗟聲望弥遠及散席日從受戒者其量雲從因之革厲十室而九藏屬斯嘉運勇銳由來所有衣資並充檀捨唯事頭陀蘭若綜業正以青丘佛法東漸百齡至於住持修奉蓋闕乃與諸宰伯詳評紀正時王臣上下僉議攸歸一切佛法須有規猷並委僧統藏令僧尼五部各增舊習更置綱管監察維持半月說戒依律懺除春冬摠試令知持犯又置巡使遍歷諸寺試厲說法嚴飾佛像營理衆業鎮以爲常據斯以言護法菩薩即斯人矣又別造寺塔十有餘所每一興建合國

俱崇藏乃發願曰若所造有靈希現異相便感舍利在諸巾鉢大衆悲慶積施如山便爲藏惟歸崇正朔義豈貳心以事商量舉國咸遂通改邊服一唯唐儀所以每年朝集位在上蕃任官遊踐並同華夏據事以量通古難

例一撰也今春秋將立器宇弘峻吐言成政行立懷德撰諸經戒疏十餘卷出觀行法一卷流彼國有沙門圓勝者本族辰韓清慎僧也以貞觀初年來儀京輦遍陶法肆聞持鏡曉志存定攝護法爲心與藏齊襟秉維城墮及同返國大敵行途講開律部唯其光聲自

昔東蕃有來西學經術雖聞無行戒檢緣構既重今則三學備焉是知通法護法代有斯人中濁邊清於斯驗矣論曰觀夫至人之降時也或三輪御世或六通導物人依法依本法護法而陳教適權適道實兼濟而成津是以三藏設位拯弱喪於未然護法一科樹已

承二

北八

崩之正綱然弘誘之相條緒稍多時顯知微乍揚神武驛奇辯於邪衆暢決蒙心顯大義於當時昌明玄理假威權而助道有德獨擅其聲藉傳授而潛通遍吉常行其務遂有撾捷捷於靈岳聲告但爲任持重結法於剝洲教旨唯尊弘理入大乘論則九億無學住法

萬年經律所詮賓頭羅漢未取泥曰斯皆助揚道化通悟未聞靜倒惑於即生紹正法于來世故使湮殘屢染尋復還興豈唯凡謀蓋其力矣況平迦葉尊者凝神鷄足之峯堅慧菩薩端拱脩羅之窟斯並引生趣善爲物持身致及慈氏降靈迺相弘扇或摧裂愛網或傾覆慢幢或通浹深疑或開揚道務爲業應接若雲雨之相投爲功惟重等大地之弘博所以身子榮名顯法輪之大將魏多徽號標無相之後佛五百門學通号任持行德相高皆稱第一至於乘時御化通法開宗弘救之極勿高身子良由闢樹園之福地蕩邪寇之

高鋒偃目連之神力覆富那之辯慧此即護法之緣蓋唯斯矣自道風東扇爰始騰蘭前傳重於開宗故入譯經之自然則傳譯在乎歸信未信不可弘文護持存乎正邪邪正方開信本經陳如是豈虛也哉道元德母信其實矣所以發蒙啓化應接時心重空顯其德

承二

北九

明大眾駭其耳目致使拜首受道欽沐法流不虛設也費才感終於壇側褚信剃頂於場中顯宗悟理如歸侍中捐俗入道一期盛事万代舟航佛日於是流暉法雲由斯不絕蓋德可紀茲言可詳而閩越隱其高例附譯稱述竊比則事業懸殊達化則乘權難擬計功編次宜先譯傳稍非經務故後三學及姚秦迷外道融折其是非元魏重邪量如制其強禦前傳顯然其宗可錄施平齊周兩治厥政殊風齊高獨盛釋門周武偏弘李衆然其邪辯逼正邪偽而正通妄作亂真真澄而妄隱故使齊氏一統民無兩情釋侶闡邦寺塔充國二百万衆綱猷上統之言四十千寺咸列釋門之刹約指剎洲化境通括像正任持梯航之大未可相擬豈法之力唯人謂乎弘斯在人則顯公據其首也掩抑華飾揚耀塵埃衆皆輕而不思可謂激通其道及法上引衣之赴難也則醒醉相兼醒則領上之累詞醉

則示虛於邪敵雖復金匱玉韜之祕術未可與言孫武吳起之奇謀曾何足道所以登虎之始搖動物心異衆等山丘鼓論同雲物致使纏搘刃辯載戢妖氛定方術於面前樹微言於即世故有談仙者投骸於臺檻宗虛者深剃於王庭明詔遂頒國無兩信雖稠公標於定道賢上統於義門一時之慶固不同年而語矣周氏秦壤世号武鄉豺狼之謠想不虛託懷文斯寡習勇弥隆酌緯候之識詞納謫誑之佞術衛嵩本我之胤張賓乃彼之餘異響同心脣齒相副競列封表曲引遊言冒罔帝心覆絕仁祀時未思其禍始也禍作萌漸百辟之所不知及望夷之福終也潰發滂流天元方改前政呼嗟何及僧傑道安名殊衛氏風格峻逸比景彌天二論既陳異見將弭而徂詐蠅巧終墜前條靜藹上賢當斯類運奮發拒諫守素窮巖慨正道之遂荒誠護法之無力也乃解形松石殉命西方于時同

軌遺形亦有十數自非懷大濟於末俗覩法滅而增哀何能捨所重於幽林爲依救而終世誠可美矣誠可悲矣詳觀列代數賢則紹隆之迹可見藻鏡則日月同仰清範則高山是欽具彰本紀其續昌矣有隋御寓深信釋門兼陳李館爲收恒俗二世續曆同政前朝

悼像化之微行襲宋桓之致敬于時繙素相

望愕然明瞻法師屈起臨對夙未程術衆或漏言及覲其厲色格詞抗揚嚴詔皆謂禍碎其身首也助慄不安其足而瞻逞怡顏色欣勇綽然帝後乃述釋門之有人焉衆乃悟其脫穎也知人其難人實難知知其難者千載其一乎信不虛矣皇唐啓運代有斯人普應佩席於天門慧滿戴衣於朝伍智寶剛烈詆呵於時重法琳慷慨極言於明詔異世同風不屑古也莫不言行同時死生齊日故得名流万代紹先聖之宏猷乎惟天經論道業務在清心弘護法網實敷遐志志遠則不思患

辱心清則罔懼嚴誅達三相之若馳識九有之非宅未曾爲法徒喪餘齡豈唯往生乃窮來陰於是挾福智而面諸佛觀形骸若委遺塵騰神略而直前鼓通博之橫辯但令法住投鼎鑊其如歸既屬慧明處濁世其如夢故能不負遺寄斯傳之有蹤乎已矣夫誰有見

承二

北一

斯而不勉勵志於重霄哉

續高僧傳卷第二十五 護法篇下

承二

璋羽鬼琳音操志也暇音夏綜子宋反墳立墳典也欣狎上許斤反下胡甲軍旅下五百人為旅也朝憲下音獻峙然上直里反不進

葉抗拒浪反也戮殺也陷聲去憚憚上徒旦怖懼也再遺下去聲迴躅止音必警一全汾州上扶奴隸撲投卒帝反訛別也熙錫銓然反上初鎮反下先擊怡然反悅也鍵道上房探瞞也瘞埋於例反服膺以下於陵反身也探瞞也碑美反瞬在約天曉一下音眷

梗 下加反直也 **經緯** 謂韜德上土刀反藏也 **梗概** 愛下古
拜 上莫而已大 **探括** 上土舍反也括檢也 **拜** 禮拜也 **拜** 上土甘反
規 俱彌反歲也 **銓題** 全反七上音利老子名反 **規** 歲鉤下音
惠 萌反歲則也 **銓題** 全反七上音利老子名反 **規** 歲鉤下音
談 大也反戰也 **銓題** 全反七上音利老子名反 **規** 歲鉤下音
上奇 逆荷也 **銓題** 全反七上音利老子名反 **規** 歲鉤下音
加也 **謠譖** 詭也 **銓題** 全反七上音利老子名反 **規** 歲鉤下音
反 **謠譖** 詭也 **銓題** 全反七上音利老子名反 **規** 歲鉤下音
劇 **羣倫** 常也 **銓題** 全反七上音利老子名反 **規** 歲鉤下音
宏 莫也 **銓題** 全反七上音利老子名反 **規** 歲鉤下音

續高僧傳卷第二十六

唐釋 道宣 撰 承

感通上

正傳三十四 附見三

齊太原沙門釋慧簡傳十六
齊鄴下寶明寺釋僧雲傳十七
齊梁州薛寺釋僧遠傳十八

周上黨元開府寺釋慧瑱傳十九
隋相州大慈寺釋洪獻傳二十

隋東川沙門釋慧雲傳二十一傳大士

隋郢州沙門釋法朗傳二十二

隋蜀部灌口山竹林寺釋道仙傳二十三

陳攝山栖霞寺釋慧峯傳二十四

隋蘇州重玄寺釋慧嚴傳二十五

隋東都寶楊道場釋法安傳二十六法齊

隋蔣州大歸善寺釋慧區傳二十七

梁蜀土青城山寺釋植相傳八僧明

梁蜀土潼州沙門釋僧林傳九

梁荊州沙門釋慧簡傳十

魏涼州沙門釋僧朗傳十一

魏太山朗公谷寺釋僧意傳十二

魏太山丹嶺釋僧照傳十三

齊相州鼓山釋道豐傳十四

齊鄴下大莊嚴寺釋圓通傳十五